



DEO OPTIMO, MAX.

UNI ET TRINO,

VIRGINI DEIPARÆ ET S. LUCÆ,

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS  
manè discutienda, in Scholis Medicorum,  
die Jovis, decimâ Martii 1729.

M. PETRO MARAIS,  
Doctore Medico, Præside.

*An noxia febricitantibus Ova.*

I.



N morbis vel præcavendis vel curandis,  
quæ medicamentorum habetur, eadem  
& alimentorum habenda ratio: non quo-  
vis ægri medicamento curantur, non quo-  
vis nutriuntur alimento. Quod uni prodest affectui,

nocet alteri: promptis aliqui, lentis nonnulli, vehementibus illi pharmacis indigent. Hic tenuem & exquisitam, ille non mediocrem & robustam escam desiderat. Alios juvat, alios lædit valentis materiæ cibis. Tot proprietatum radix eadem quæ morborum; varia nempe succorum indoles, qui semel viati similibus exasperantur, castigantur contrariis. Hinc febricitantibus non omnia conveniunt, quæ suam humoribus restituunt crasim, naturam, quæ grassantis æstus undique sistunt imperum, quæ insolentem sanguinis sedant tumultum, quæ febriles aliundè componunt ardores ea ipsis conveniunt. Quæ pravam humorum diathesim efficiunt deteriorem, mittunt in pejus, quæ grassanti undique viam sternunt æstui, quæ ceteros augment incendii febrilis apparatus ea noxia sunt & abdicanda.

## I I.

**V**EHEMENS & inordinatus sanguinis motus febris est. Hoc motu fugit placidi blanditia sanguinis, inquieti crescit asperitas, perit mollities succorum, nascitur in corde peregrinus ignis mali semina latè dispersurus. Hinc solidorum energia conquassari, fluidorum eucrasis inverti; nec quicquam dentis expers rabidæ, furens quoquoersum diffilit quidquid in humore tenuiùs, quidquid acriùs, serpens omnia pervadit, tentat, rimatur, unde sit rapacitati materies. Vides? quis furor! omnis luget microcosmus; sed id si cutim feriat, rigor indè concitatur; si pectus, tussis; si cerebrum, capitis dolor: his accedunt ob sanguinis incandescentiam pulsus celer, spiritus difficilis; ob macerata calore viscera linguæ siccitas, multa sitis, pertinax vigilia.

## I I I.

**D**IVERSIS at ille modis furor ingruit, vel enim assiduus est vel interpolatus; certis præterea temporibus exacerbatur, aut eodem tenore furit, silet hic aliquando, modò tertia, modò quarta luce recursum. Communem his variis motibus causam quæris, vitiosum argue sanguinem: Is à chylō vitiatur sæpius ut chylus à cibo si videlicet alimentum fuerit æstuosum nimis, si nimis sulphureum, consimilis futurus est chylus, hic fervidus fervidum efficit sanguinem, hinc illius augeri volumen, vasaque dilatari, hinc horrenda caloris atrocis seu incendii febrilis incrementa, hinc tumultus insolens. Si alimentum constiterit aliundè partibus ad motum aptioribus, motum motui, calorem calori, flammam flammæ adjunges. Proindè febricitantes offendit quidquid & fervidioribus & moveri facilioribus succis novum addit motus incitamentum. Id mali genus accersunt ova quovismodò parata.

## I V.

**C**UJUS alimenti dotes probè noscere vis, hujus naturam scrutando experientiam sequere. Igneus est ovis calor ab origine, præfervidæ sunt animantes undè producuntur, æstuosissima materies ex quâ constantur. In ovi candido multum salis est volatilis, in luteo multum sulphuris: tennes illæ particule quæ prius opprimebantur, intricabantur; jam liberæ, jam evolutæ, jam irato advectæ cruori, vim vi addunt, arma armis committunt; inde sanguis vehementer incitatus, febriles accendit aut alit igniculos. Demum si turgeant ova succo nimium nutriente, succus hic officit febrici-

\* Hipp.  
aph. x<sup>o</sup>. sect.  
2.

rantibus quos leve juvat alimentum; hocque te  
monitum vult divinus Senex \* τὰ μὴ κατὰ τῶν συμπτῶν;  
ἐκείνοι ἀνὰ τρεῖς μᾶλλον βλάψουσιν. Si fervidis ingesta visceri-  
bus in bilem facescant, hæc quoque bilis fomes est  
perigrini caloris, si retorreantur & indurescānt ab  
æstu ventriculi, velut ab igne focario, statim vitel-  
lus flammam concipit, & fit oleum, mox exarsuræ  
febris irritamentum.

## V.

**I**TAQUE ab alimentis succi vel nimii vel va-  
lentioris, abstineant febricitantes, cibum sugge-  
runt nimis robustum, nimis æstuantem, unde præ-  
cipuè ab ovis caveto; habes in ovis undè concite-  
ris ad libidinem, sed hæc libido quasi febris est. Est  
in ovis & quod uberem provocat sudorem, & quod  
externos digerit tumores: sed hoc quaecumque sit  
insolenter commover sanguinem, renovatque flam-  
mas; adeò multis ova constant ex partibus mole  
minimis, motu valentissimis; si lenta, si crassior  
aliundè sit in ovis materia, suos illa sales continet;  
suo fervet intus sulphure.

*Ergo noxia febricitantibus Ova.*

Proponebat Parisiis RAIMUNDUS DE  
LA RIVIERE, Parisinus, Baccalaureus  
Medicus, A. R. S. H. 1729. à 6<sup>a</sup>. ad merid.